



*dr. Senad Softić*  
Guverner

Broj: 150-15-4-961-6 /22 TT  
Sarajevo, 03.06.2022. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, člana 13. stav (2) tačka b), člana 43. stav (1), (2) i (3) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

#### O D L U K U

o izboru najpovoljnijeg ponuđača u postupku javne nabavke roba – IP telefonski aparati

#### Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku IP telefonskih aparata, putem konkurentskog zahtjeva za dostavljanje ponuda, dodjeljuje ponuđaču VERSO d.o.o., ul. Muhameda Kantardžića 3, 71000 Sarajevo, u svemu prema Ponudi broj: 20220518-1-EH od 17. maja 2022. godine i izvještaju o toku i završetku e-aukcije.

#### Član 2.

Prema izvještaju o toku i završetku e-aukcije, Ponuda ponuđača iz člana 1. ove odluke, glasi na iznos od:

12.818,00 KM bez uračunatog PDV-a

(slovima: dvanaesthiljadaosamstotinaosamnaest i 00/100 konvertibilne marke)

odnosno

14.997,06 KM sa uračunatim PDV-om

(slovima: četrnaesthiljadadevetstotinadevedesetsedam i 06/100 konvertibilnih maraka)

#### Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za informacione tehnologije Centralnog ureda Centralne banke Bosne i Hercegovine (u daljnjem tekstu: Odjeljenje za informacione tehnologije).

#### Član 4.

Za realizaciju ove odluke zadužuju se Odjeljenje za informacione tehnologije, Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.



## Član 5.

Ova odluka će se objaviti na web stranici Centralne banke Bosne i Hercegovine, [www.cbbh.ba](http://www.cbbh.ba), istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama ("Službeni glasnik BiH", broj 39/14).

### O b r a z l o ž e n j e

Postupak javne nabavke roba – IP telefonski aparati, putem konkurentskog zahtjeva za dostavljanje ponuda, pokrenut je Odlukom o pokretanju postupka, broj: 150-15-4-961-2/22 SAK od 31. marta 2022. godine. Centralna banka je dana 6. maja 2022. godine na portalu Javnih nabavki objavila Obavještenje o nabavci broj: 1370-7-1-232-3-144/22, te uputila Poziv za preuzimanje Tenderske dokumentacije putem konkurentskog zahtjeva određenom broju ponuđača, u skladu sa članom 88. stav (1) Zakona o javnim nabavkama.

U roku određenom za prijem ponuda, odnosno do 18. maja 2022. godine, u predmetnom postupku dostavljene su ponude sljedećih ponuđača:

1. DIGITARIJA d.o.o., ul. Zmaja od Bosne 14c, 71000 Sarajevo i
2. VERSO d.o.o., ul. Muhameda Kantardžića 3, 71000 Sarajevo.

Komisija nadležna za provođenje postupka javne nabavke (u daljem tekstu: Komisija) je nakon izvršenog pregleda i ocjene ponuda konstatovala da pristigle ponude navedenih ponuđača zadovoljavaju sve uslove tražene tenderskom dokumentacijom, te je shodno tome zakazala e-aukciju za dan 23. maj 2022. godine u 13:00 sati.

U skladu sa kriterijem najniža cijena i Izvještajem o toku i završetku e – aukcije, Komisija je u svom Zapisniku o pregledu i ocjeni ponuda broj: 149-15-4-1219-6/22 od 23. maja 2022. godine i Izvještaju o radu Komisije sa preporukom, broj: 149-15-4-1219-7/22 od 23. maja 2022. godine, dala preporuku za donošenje odluke kao u dispozitivu.

### **Pouka o pravnom lijeku:**

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 5 dana od dana prijema ove odluke.



GUVERNER

*dr Senad Softić*  
dr Senad Softić

### Dostaviti:

- guverneru
- viceguvernerima
- uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- odjeljenju za informacione tehnologije (original)
- učesnicima u postupku (original)
- odjeljenju za računovodstvo i finansije (original)
- odjeljenju za javne nabavke (original)